

D. D.  
INVESTIGATIO  
**PARALLAXEOS**  
**SOLIS**  
EX  
**OBSERVATIONIBUS**  
NOVISSIMI TRANSITUS VENERIS  
PER DISCUM SOLAREM,  
Pekini & alibi peractis,

QUAM,  
Consensu Ampliss. Fac. Philos. in Reg. Acad. Aboënsi,  
PRÆSIDE

MAG. ANDREA  
PLANMAN,

PHYS. PROF. REG. & ORD.

PRO GRADU,

Ventilandam sifit


ABRAHAMUS FABRICIUS,

WIRBURGENSIS.

In Audit. Maj. d. XXI. Junii Anni MDCCLXVI.  
H. A. M. S.

---

ABOÆ,  
Impressit JOH. CHRISTOPH. FRENCHELL.



§. I.



Tot jam prostant in parallaxin Solis inquisitiones, vi observationum *Novissimi transitus* *veneris per discum Solis*, institutæ, ut supervacaneum fore videatur, plures accumulare. At quandoquidem Clarissimus Gallorum Astronomus PINGRÉ, in peculiari tractatu, quem *parallaxe du Soleil* vocat, ex suis observationibus in insula Rodrigues captis & collatis cum variis correspondentibus, elicere conatur Parallaxin Solis binis fere secundis majorem ea, quam præbent comparationes observationum ad *Caput B. spei* & alibi habitarum, hasque observationes propterea inter errores refert; cumque præterea *Celeb. HORNSBY Astronomie Professor Oxoniensis*, in transactionibus Philosoph. pro anno 1763. pag. 467. & seq. maxime enititur, ut variis argumentis sententiam Pingreanam confirmet; haud ingratum fore existimamus, si in rem tanti momenti, per supputationes, observatio-

tionibus antea non adhibitis, superstruendas, ulterius inquiramus. Ex harum numero sunt observationes *Pekinenes*, quæ eo magis hic in usum converti merentur, quo pluris sunt a stimandæ præ reliquis observationibus, in parte telluris boreali peractis. Fattendum quidem est, Celeber. RUMOUSKI in egregia sua dissertatione, quæ de investigatione Parallaxeos Solis Petropoli anno 1764 prodiit, momentum initii emersionis *Pekinense* cum variis correspondentibus, investigandæ Parallaxeos ergo jam contulisse. Nos vero reliqua quoque *Pekini* capta contactuum momenta, ad investigationem parallaxeos adhibebimus; imprimis quia emersionis totalis momentum *Pekinense*, collatum cum Europæis correspondentibus, præbet differentias effectuum parallaxeos, ultra quartam partem minuti primi horarii, majores istis differentiis, quas momentum initii emersionis exhibit.

## §. II.

Ex nominata dissertatione *Celeb. RUMOUSKI* constat, Patrem DOLLIER tubo 14 pedum longo, ad horologium bonæ notæ, cuius retardatio spatio diei solaris efficiebat 16" 44" *Pekini* cepisse sequentia contactuum discorum Solis & Veneris momenta, quæ haud abs re erit ipsius observatoris verbis hic referre . . .  
*je vis la véritable Venus, qui venoit d' entrer, c' étoit à tres peu pres a 9<sup>h</sup> 51' 25" ou 30", de tems vrai.*

Entrée totale de Venus - - horologe  $10^h.6'.35''$ .  $0''$   
 pour défaut du midi - - - +  $3'.52''.17''$   
 pour retard, & equat. - - - -  $0'.0''.27''$

Tems vrai  $10^h.10'.26''.50''$

Commencement de sortie - - horologe  $3^h.56'.6''$ .  $0''$   
 pour défaut du midi - - - +  $3'.52''.17''$   
 pour retard, & equat. - - - -  $0'.0''.59''$

Tems vrai  $3^h.59'.59''.16''$

Sortie totale de Venus - - horologe  $4^h.14'.4''$ .  $0''$   
 pour défaut du midi - - - +  $3'.52''.17''$   
 pour retard, & equat. - - - -  $0'.1''.4''$

Tems vrai  $4^h.17'.57''.21''$

Antequam vero hinc ipsam investigationem Parallaeos aggrediamur, visum est nobis, nonnulla de latitudine & longitudine Pekini præmittere.

### §. III.

Quod attinet latitudinem Pekini, vel potius observatorii astronomici, quod ibi in ædibus Jesuitarum Gallorum floret, patet illam satis accurate determinatum iri per varias observationes altitudinum Meridionalium aliquot stellarum, istic habitas & in Tom. V. Nov. Comment. Acad. Scient. Imper. Petropolitanae recensitas a R. P. ANTONIO GAUBIL; nempe habetur ex his observationibus latitudo Borea-

realis nominati Observatorii  $39^{\circ} 55' 15''$  satis exacte.  
 At maxime dolendum, longitudinem *Pekini* non pari exactitudine nobis constare. Ex innumeris quidem observationibus, prout refert Celeber. RUMOUSKI loco citato, ab anno 1726 ad 1740, in satellites Jovis *Pekini* captis, Rever. P. HALLERSTEIN hanc longitudinem a meridiano *Parisino* numeratam, statuit  $7^{\text{h}} 36' 10''$  quam proxime. Celeberrimus autem RUMOUSKI, respiciens dissensum earum observationum, contendit hanc meridianorum differentiam ulteriori examine opus habere. In quem finem observationes circumjovialium, *Pekinenses*, annis 1751, 1752, & 1756 peractas, comparat cum correspondentibus alibi habitis; atque sic differentiam meridianorum inter observatorium *Parisense* & *Pekinense*, ubi transitus Veneris observatus est, non majorem quam  $7^{\text{h}} 35' 50''$  statuendam esse contendit; idque ulterius probare conatur ex observatione *Mercurii in Sole* anno 1753 a P. GAUBIL *Pekini*, & a Viris *Celeb.* de LA LANDE, DE L' ISLE, BOUGUER, MERVILLE atque LIBOUR *Parisiis* habita. Quicquid sit, medium hinc memp.  $7^{\text{h}} 36' 0''$  pro vera longitudine *Pekinensi* a *Parisiis* numerata, eligendum censuimus; Imprimis cum Nobiliss. WARGENTIN, litteris ad Celeberrimum Præsidem d. 23. Nov. anno 1764 datis, indicavit, se sedulo examinasse longitudinis observationes, *Pekini* usque ab anno 1724 captas, atque ex earum facta comparatione cum correspondentibus observationibus invenisse longitudinem istius loci, vix infra  $7^{\text{h}} 36' 0''$  ponendam esse.

## §. IV.

Stabilita ea, qua fieri potuit accuratione, latitudine atque longitudine Pekini, computandi nunc sunt effectus Parallaxeos pro momentis §. II. allatis. Assumpta itaque parallaxi Solis =  $8''$  2 nec non adhibitis iisdem elementis calculi, quibus usus est *Celebr. Praeses* in *Act. Stockh.* a 1763 p. 126 & 130, prodeunt rite peracta supputatione, effectus parallaxeos in partibus horariis ut sequitur:

<i>Pro momento immersionis totalis</i>	$10^h.10'27'' - 3'.2''$
<i>- - - - initii emersionis</i>	$3^h.59'59'' + 5'.0''$
<i>- - - - totalis emersionis</i>	$4^h.17'57'' + 5'.7''$

Instituenda jam est comparatio momentorum utriusque contactus emersionis cum iis præcipue, quæ differentiam effectuum a parallaxi proficiscentium non minorem binis minutis primis præbent, ne inevitabiles observationum errores ingentem producant dissensum in parallaxi Solis invenienda. Quanta ex tali comparatione prodeat Solis parallaxis horizontalis, subjuncta indicabit Tabella, qua simul observationes correspondentes, quibus usi sumus, exhibentur. Quod vero attinet differentias meridianorum, easdem hic adhibuimus, quæ comparent in *Actis Stockh.* loc. cit. atque in dissertatione de *Venere in Sole visa* anno 1763 hic ventilata; excepta longitudine *Tobolii*, quam  $4^h 23' 52''$  fore, innuit supputatio *Pingreana* loc. cit. p. 24.

Nomina locorum, & observatorum.	P. Gaubil	momenta contacti.		Parall. ☽ ex contactu	
		emers. inter.	exter.	inter.	exter.
Pekin	Dixon	3h59' 59"	4h17' 57'	8" 53	8", 44
Cap. B. Spei	Mason	9 39 48	9 57 21	8, 57	8, 47
Ins. Rodrig.	Pingre (*)	9 39 52	9 57 23	9, 50	9, 70
	Fritius	0 36 49	0 54 28	8, 80	8, 43
Bononia	Marinus	9 4 56	9 22 59	8, 86	8, 45
	Matheuciuss	9 4 58	9 23 7	8, 86	8, 65
	De La Lande	8 28 25	8 46 54	8, 72	9, 05
	Couet	8 28 26	8 46 55	8, 75	9, 08
	Fouchy	8 28 27	8 46 41	8, 79	8, 66
Paris	Meissier	8 28 27	8 46 37	8, 79	8, 54
	Ferner	8 28 29	8 46 43	8, 86	8, 72
	De La Caille	8 28 37	8 46 49	9, 12	8, 90
	Maraldi	8 28 42	8 46 54	9, 28	9, 05
	Short	8 18 50	8 37 28	8, 48	9, 18
Greenwich	Dollond	8 18 58	8 37 14	8, 76	8, 72
	Canton	8 18 58	8 37 21	8, 76	8, 95
	Bliss	8 19 0	8 37 9	8, 83	8, 56
	Strömer	9 28 0	9 46 13	8, 35	8, 24
Upsalia	Mallet	9 28 2	9 46 29	8, 44	8, 95
	Meander		9 46 29		8, 95
	Bergman	9 28 9	9 46 30	8, 78	8, 98
Stockholm	Wilcke	9 29 40	9 47 59	8, 40	8, 56
	Wargentin	9 30 8	9 48 9	9, 77	8, 58
Cajaneburg.	Klingstierna	9 30 11	9 48 8	9, 91	8, 55
	Pianman	10 7 59	10 26 22	9, 31	9, 68
			Medium	8", 88	8", 82

§. V.

(\*) Ecce hic observationes, in Insula Rodrigues captas,  
& ipsius Celeb. Observatoris verbis recensitas:

Temps vrai oh. 36°. 49" attouchement certain & instant des bords.

O. 54. 09  $\frac{1}{2}$  Venus presq; sortie, est couverte d'un nuage.

O. 54. 27  $\frac{1}{2}$  Je la vois encore, mais bien prête de quitter.

## §. V.

Ut hisce major certitudinis gradus concilietur, investiganda jam est parallaxis, quam præbet contactus interior immersionis, observatus Pekini & iis patriæ nostræ locis, quorum respectu differentia effectum parallaxeos non minor duobus minutis primis prostat. Quam investigationem avidius aggredimur, imprimis quia nemo adhuc, quantum quidem nobis constat, eam tentaverit: quamvis plures fuerint, qui observationibus moræ veneris intra solem, supputationes parallaxeos superstruxerint, quæ tamen in parallaxi inquirenda, ob effectuum parallaxeos minorem, observationum autem majorem discrepanciam, minoris sunt habendæ. Cujus rei veritas patet vel conferenti parallaxium, quas observationes moræ præbent, tabellam in *dissertatione ex occasione calculi cujusdam Celeb. De La LANDE* hic ventilata

a:o

---

*A 0h. 55'. 22" $\frac{1}{2}$ , temps vrai, le Soleil reparoît ; M. THUILIER, qui avec la lunette de neuf pieds avoit vu le contact intérieur au même instant que moi, ne voit plus absolument rien : il fixe le contact extérieur à 0h. 54'. 27" $\frac{1}{2}$  ou très-peu de secondes après ; et Je pense qu'il a raison. A 0h. 55'. 22" $\frac{1}{2}$ , j'ai eu une très-foible idée de quelque altération dans la rondeur du disque Solaire : un nuage survenu aussi-tôt ne m'a pas permis d'approfondir cette idée vid. p. 31. Parall. du Soleil.*

Cum autem momentum 0h. 54'. 27" $\frac{1}{2}$  præbet Solis parallaxin 13". 22; sequitur salvo manente & momento initii immersionis & longitudine loci recepta, mutationes illas, quas *Celeb. PINGRÉ* tum in solis limbo sibi visus est animadvertere, minime adscribendas esse Veneri.

anno 1764, comparentem, cum sequenti tabella, qua exhibentur parallaxes, ex comparatione contactus interioris immersionis, *Pekini* & reliquis jam nominandis locis observati, provenientes.

Nomina locorum & observatorum		momenta obs. cont. int. immer.	Parall. Solis.
<i>Pekini</i>	P. Gaubil	10h. 10' 27	
<i>Tobolii</i>	Chappe	7 0 30	8", 59
<i>Aboe</i>	{ Justander Wallenius	3 55 50 3 55 56	7, 93 8, 34
<i>Upalia</i>	{ Bergman Mallet	3 37 43 3 37 56	8, 61 5, 49
	{ Melander Strömer	3 38 2 3 38 5	9, 50 10, 11
<i>Stockholm</i>	{ Wargentin Klingenstierna	3 39 23 3 39 29	8, 61 9, 00
	wilcke	3 39 29	9, 00
Per medium		- - -	8", 96

## §. VI.

Singula itaque terna contactuum momenta *Pekinensis* per medium indicant, Solis parallaxin infra 9 minuta secunda ponendam esse. At si longitudo *Pekinensis*, a nobis assumta (§. III.) 10 minutis secundis sit augenda; parallaxis hinc aliquanto major evadit, nempe 9". 2 circiter. Longitudine autem existente 7<sup>h</sup> 35' 46" prout *Celeb. RUMOUSKI* auctor est, comparatio observationum allatarum parallaxin Solis infra 8". 4 collocabit. Cum igitur limites, intra quos longitudo *Pekini* continebitur, si modo observationibus ibi in hunc finem institutis fides habenda sit, sunt 7<sup>h</sup> 35' 46" & 7<sup>h</sup> 36' 10"; sequitur parallaxin Solis, quam

præbent allatæ observationes Pekinenses (§. II), 9 mi-  
 nuta secunda vix excedere. Hinc itaque novum ad-  
 ditur pondus certitudini observationum ad *Caput B.*  
*Spei* peractarum; præterquam quod, comparationes  
 omnium probatissimarum observationum a pluribus,  
 variis modis, institutæ, nempe a *Celeber.* SHORT in  
*Transact. Philos.* pro anno 1763 p. 300 & seq.; a *Celeb.*  
*RUMOUSKI* loc. cit. p. 32, atque a *Præside in Act. Stockb.*  
 Anni 1763, singulari conclusionum consensu hanc ean-  
 dem certitudinem abunde probaverint. Provocant  
 quidem & HORNSBY & PINGRÉ ad observationes  
*Martis*, a *Celeb.* De *La CAILLE* ad *Cap. B. Spei* in-  
 stitutas: ast observandum est, neque has observatio-  
 nes, collocare parallaxin solis ultra  $10''$ . Si enim  
 medium sumatur omnium parallaxium, exceptis pau-  
 cis maxime discrepantibus, quæ ex comparatione ob-  
 servationum *Martis* Anno 1751 peractarum, exsurgunt,  
 prodibit parallaxis Solis Horizontalis in media ipsius  
 distantia a Tellure  $9''.7$  quam proxime (confer: *Ephe-  
 merid. des Mouv. Celestes depuis 1765 jusq' 1775*  
 par M. De *La CAILLE*, & *Transact. Philos.* pro an-  
 no 1763 p. 456). Quid? quod per medium obser-  
 vationes *Celeberrimi* De *La CAILLE*, quarum nuper  
 facta est mentio, collatæ cum correspondentibus se-  
 ptim a *CASSINI seniori* & *MARALDI* ad *Thury* ca-  
 ptis, solis parallaxin non nisi  $8'',98$ ; atque cum sex,  
 a *GARIPUIS* & *D' ARQUIER* *Tolosæ* peractis, istam  
 solummodo  $8'',94$  exhibeant; ut silentio prætereamus  
 quasdam observationes in *Martem* a *P. BERAUD*  
*Lugduni*, nec non a *SABATELLI* & *P. CARCANI* *Nea-  
 poli*

poli institutas, quæ parallaxin hanc infra 9 minuta se-  
cunda deprimendam esse quoque svadent. Neque  
præterea multum roboris adversæ sententiæ, qua nem-  
pe parallaxis Solis major 10 secundis statuitur, accedere  
censemendum est ex conclusionibus, ad quas suppurationes,  
vi distantiarum minimarum centrorum Solis & Veneris  
institutæ deducunt; quippe earum certitudo dependet  
a pluribus elementis per observationes exactissime de-  
terminandis, quibus vel paululum variantibus, notabi-  
liter variari possunt conclusiones iis superstructæ. Hinc  
in primis factum esse censemus, quod, dum combina-  
tiones harum distantiarum minimarum PINGREANÆ  
præbuerunt parallaxin Solis 10'', 1; SHORTIANÆ non  
nisi 8'', 56 exhibuerint.

### §. VII.

Quoniam igitur nullus amplius videatur superesse  
dubitandi locus, de certitudine observationum ad Cap.  
B. Spei peractarum (\*); tuto parallaxin Solis, ex illis pro-  
fuen-

B 2

(\*) Hoc ipso tamen minime volumus detrahere observa-  
tionibus PINGREANIS: jubet enim ipsa æquitas, ut istæ,  
ceu ab exercitatissimo quodam Astronomo captæ, inter cer-  
tiores referantur. Nos vero discrepantiæ fontem in longitu-  
dine loci observationis, quærendum esse existimamus, quia  
vix fas erit credere, longitudinem insulæ Rodrigues, per unam  
alteramve observationem huic fini captam, intra semi minutum  
primum esse determinatam. Quid? quod ipse Celeb. PINGRÉ  
de hac re dubius hærere videatur, dum, de elementis calcu-  
li acturus, dicit p. 38. loc. cit. - - - de plus je croyois alors  
l'île de Rodriguez d'une demi-minute de temps plus orientale que je  
ne l'ai déterminé l'article IV.

fluentem, amplecti possunt astronomi, donec proximus transitus veneris per discum Solis, eidem accuratius investigandæ, occasionem dederit. Cum autem computantium fere singuli, sumto medio, paululum discrepantes obtinuerint, parallaxes, id quod, partim diversitati observationum collatarum cum iis, quæ ad Cap. B. Spei captæ sunt, partim quoque diverse assumtis aliquot locorum longitudinibus in primis adscribendum est; haud abs re erit, singulorum conclusiones hic sub jungere. Scilicet ex combinatione interioris contactus immersionis ad Cap. B. Spei capti, cum variis correspondentibus, Solis parallaxin, per medium obtinuerunt.

PINGRÉ p. 67. Tractatus Parall. du Soleil	-	8'', 43
SHORT p. 325. Transact. Philos. pro 1763	-	8, 56
HORNSBY p. 491. ibidem	-	8, 69
RUMOUSKI p. 16. Tract. de invest. parall. Solis	8,	33
PLANMAN p. 129. Act. Stockb. pro 1763	-	8, 33
IDEM l.c. ex contactus exter. comparatione	-	8. 21.
Proinde intra limites 8'', 69, & 8'', 21, quoad exactius determinetur, in supputationibus astronomicis ponenda est solis parallaxis horizontalis; id quod, JAMES FERGUSON, in egregia delineatione <i>Transitus Veneris per discum Solis</i> , d. 3 Junii 1769 exspectandi, jam fecisse legitur, vide <i>Transact. Philos.</i> pro 1763 p. 30.		

